



Disaster Preparedness and
Prevention
Initiative for South Eastern Europe

The Organization for Security
and Co-operation in Europe

Bosna i Hercegovina, Crna Gora, Hrvatska i Srbija

Konferencija o temi: „Regionalna saradnja i pružanje pomoći u kriznim situacijama i prirodnim katastrofama - problemi i perspektive“

Trebinje, Hotel Leotar, Bosna i Hercegovina
od 16. do 18. aprila 2008. godine

IZJAVA UČESNIKA KONFERENCIJE

Učesnici Konferencije o temi: „Regionalna saradnja i pružanje pomoći u kriznim situacijama i prirodnim katastrofama – problemi i perspektive“, održane u Trebinju, Bosna i Hercegovina, od 16. do 18.4.2008., na inicijativu Parlamentarne skupštine Bosne i Hercegovine i uz podršku RCC-DPPI-SEE, EastWest Instituta i Misije OSCE-a u BiH, usvajaju sljedeću izjavu:

- **SVJESNI** činjenice da katastrofe mogu imati prekogranične dimenzije i da sve zemlje učesnice dijele zajedničke rizike i opasnosti od nastajanja katastrofa izazvanih prirodnim, tehnološkim i ljudskim faktorom;
- **PREPOZNAJUĆI** da regionalna saradnja u oblasti pripravnosti i sprečavanja katastrofa može sačuvati živote, prirodu i smanjiti materijalne štete, te pružiti stabilnost, sigurnost i prosperitet građanima regiona;
- **SVJESNI** potrebe za provođenjem potpisanih i zaključivanjem novih sporazuma o saradnji između zemalja učesnica Konferencije u oblasti zaštite i spašavanja ljudi i materijalnih dobara od prirodnih i drugih nesreća;
- **NAGLAŠAVAJUĆI** važnost napretka u međusobnom povezivanju zemalja učesnica Konferencije radi osiguravanja međusobne saradnje i pomoći u slučaju katastrofa;

- **POZDRAVLJAJUĆI** ovu konferenciju kao priliku za razmjenu informacija i iskustava među zemljama učesnicama i razvoj zajedničkog pristupa upravljanju katastrofama;
- **PODRŽAVAJUĆI** napore nadležnih organa u regionu Trebinja, Ravnog, Neuma, Dubrovnika i Herceg-Novog da intenziviraju saradnju u borbi protiv požara,

Saglasni su da će:

- **nastaviti** razvijati dijalog, razmjenjivati informacije i iskustva i zajednički pristupati rješavanju problema u upravljanju katastrofama;
- **podržati** nadležne organe zemalja učesnica da jačaju kapacitete za osiguravanje pripravnosti za prirodne i druge nesreće, kao i njihovu saradnju;
- **naglasiti** važnost definiranja prioriteta od zajedničkog interesa za zemlje učesnice, što za cilj ima fokusiranje na prioritete koji odgovaraju kapacitetima sistema zaštite i spašavanja;
- **pozvati** sve partnere iz međunarodne zajednice da sarađuju i koordiniraju svoj rad sa zemljama učesnicama ove konferencije i na taj način dalje jačaju regionalnu saradnju u ovoj oblasti;
- **inicirati** izgradnju zajedničkih struktura u oblasti zaštite i spašavanja i provođenje i unapređenje postojećih i zaključivanje novih sporazuma između zemalja učesnica.

I na kraju,

- **PODRŽAVAJU** održavanje sličnih sastanaka radi procjene ostvarenog napretka i definiranja predstojećih aktivnosti u oblasti saradnje u zaštiti i spašavanju od prirodnih i drugih nesreća između zemalja učesnica;
- **ISKAZUJU** svoju zahvalnost međunarodnoj zajednici na dosadašnjoj podršci i nadaju se njenom nastavku.